

M327: Die Lilie (Prosateil)

- 1,1 [...] ze got . wie der gerechte ma- dieser lilien si gelich . Ich wenen
1,2 dat die wrcele die vnder der erden uerborgen is . bezeichnen den gedanc in
1,3 deme herzen . den nieman in bekennit . also de wise man spricht . We
weiz
1,4 wat in des menschen hercen is . wan des menschen geist . So sal de gedanc
der
1,5 wrcelen gelichen . he sal nuoze sin . Dat is . he sal reine sin . Wan ave . van
1,6 vleislichen . inde wereltlichen . inde duuelichen gedenken .
1,7 Vleisliche gedenke sint die . dere dat vleisch gelustet . Also die man na
1,8 vrowen . inde vrowen na mannen . uncustheliche denket . ove ein iewelich
1,9 mensche na gelustelicher spisen . ave na senften cleideren denket de
gedant
1,10 en is niet wiz want he beulecket die sele sere . Werltliche gedenke sint die
na
1,11 wereltlicher haue steint . den niet genuoge- in mach . die also viele me
gerent .
1,12 so si me haue-t inde en wizen niet weme si dat lazen suolen . dar umbe si
1,13 die sele geuent . Des wirt der cuoninc in deme iungesteme urdeile
sprechende .
1,14 “get uermaledieden van mir in dat ewige uur . wande duo mich hungerde
ier
1,15 en gauet mir niet ezzen . noch dronken duo mich durste .” Dis gedanc he
in is
1,16 niet wiz . de dich arme mensche in die suace helle brenget . Wat sint nu
1,17 duueliche gedenke . Dat sint die gedenke der stolzheide . Die macheden
den
1,18 engel zuo eineme duuele . die wrpen den menschen uzer deme paradise .
inde
1,19 verdreuen Saul wan deme cuonincriche . inde macheden Nabugodonosor
zuo eines
1,20 dieres gelichenisse . Dise gedenke sint aneginne aller sunden . Diese hat
ein
1,21 iwelich mensche . den dunket dat he bezere si dan ein andere . vuor diesen
gedenken
1,22 muozen si sich huoden allermeist . die ith sunderliches guodes an in
1,23 hauent . antwerder van naturen . ove van godes genaden . ove van
wereltlicheme
1,24 gelucke . Uan naturen has du . sconen lif . inde stacr . inde sunt .

- 2,1 Van genaden has du die duogede der selen . alse u-duldicheit .
otmuodicheit .
- 2,2 cuschicheit . wischeit . inde der geliche . Uan gelucke der werelde bis du
her .
- 2,3 inde riche . inde edele inde geweldich . Ei wie luozel is dere . die sich diser
2,4 dongen niet in erheuen . in- uergezen gare . dat si erde sint inde essche .
- 2,5 inde dat si niet van in seluen in hant . wan die sunden .
- 2,6 Die uurcele dat is des gerechten gedanc sal ouch schinen . An deme
2,7 schine vernom geistliche vrowede . dat is dat du gode bit urolicheme . inde
2,8 willigeme . inde gereideme hercen dienes . inde dat du ande're geistliche
lude .
- 2,9 bit diner unuroweden niet en bedruoues . Diese duoget die geistliche
urowede
- 2,10 heizet . si is uile sere nuoze allen den die deme geiste uolge-t . wande si
verdriuuet
- 2,11 die groze sunde die heizet traheit zuo godes dinste . Si brenget die
2,12 himelische suozicheit in dat herce . in- stediget dat herze wider die
becorunge .
- 2,13 Si entfenget die nesten an godes minnen . It wrde alze lanc . solde
2,14 ich alle die maht dieser dogede sagen . die geistlichen hercen wale bekant
sint .
- 2,15 Si zuet dat herce uan wereltlichen sahgen . inde uuoret it in die stat . die
got
- 2,16 sinen hat uerborgen . die emelchise choren is si heimelich zuo godes
antlitze
- 2,17 cuomit si sunderlich . Inde cureliche sprehe ich . dat si is ein meister aller
guoder
- 2,18 gedenke inde worde . inde werke .
- 2,19 Die worcele si is ouch senfte ane ze tastene . Bi der senfticheit . uernom
2,20 die uerduldicheit . ove senftmuodicheit . In diesen hercen restet got . alse
2,21 he selue spricht . "Up weme sal min geist resten . Wan up deme
otmuodigen .
- 2,22 inde deme senftmuodigen ." De guode got de selue senfte is . he i- cuomet
niet in
- 2,23 die unsenfte herce . dat is in die stolze inde zornige . in die nidege herce .
Wilt
- 2,24 du dat ich dich wise ein senftemuodich herce . Hore inde sich jh-m den
2,25 suozen . Hore dat he spricht . "Lernet uan mir dat ich senftmuodich .
inde otmuodich
- 2,26 bin uan herce ." Sich ouch wie he dede . dat he lerede . Pruove alle
2,27 sine wort . alle sine werc . inde sich wie senfte . inde wie verdoldich . We
2,28 mohte die alle gezelen . Wie dicke ze man einen dat he bezesen were bit
2,29 deme bosen geiste . wie docke wolden en sine viende morden . inde he en
wrach
- 2,30 sich noch bit werken noch bit worden . Ganc noch uuorebaz . sich wie
suoze

- 2,31 he was an der bittere martilien . Sich sin uerredenisse . sine bende . sine
bacslege .
- 2,32 sine halslege . sin minninliche antlize bespuen . inde uerbunden also eines
- 2,33 dieues . sich sinen geisselen . sine- spot . sine smaheit sine crone . sine
nagele .
- 2,34 sin cruce . sine scemeliche nachtheit . sinen ezich . sinen doit . sin wonde
herze .
- 2,35 inde mirke suoze senfticheit . inde sinen senfte suozicheit . sich dat wnde
herce
- 2,36 wie uerdoldich it was . Ich sprechen dat du it sies . wande ich wenen dat
- 3,1 dir die side dar umbe is up gedain . dat du it muoges gesunen Nom dit
herce .
- 3,2 in lege it in din herce dat du diese herce werdes gelich . so wirt din herce
.
- 3,3 inde din gedanc senfte ane ze grifene also der lilien wrcele . inde so i- schait
- 3,4 dir noch stolzeit noch zorn . noch haz . noch engeine andere sunde . die
der
- 3,5 senfter verdoldicheide . inde der uerdoldiger senfticheide . wieder si .
wande
- 3,6 ihesus is deme herce bi . hie sprich van der lilie stille ane
- 3,7 Wir hauen gesien der lilien uurcele . Dat is des gerechten mannes
- 3,8 gedanc . nu sien wir den stam . De stam de uzer der uurcelen geit .
bezeichnenet
- 3,9 steide- willen zuo guoden werken . dis wille cuomet van guoden gedenken
ane
- 3,10 zuuel . Der stam der lilien is reth . inde lanc . inde starc . Also muoze de
guode
- 3,11 uuille allererst reth sin . Leider wie viele der crumber willen is . wande also
- 3,12 manige sunde . also manige crumbe . Sowanne du willen haues zuo einicher
- 3,13 sundin si ze dune . so is din wille crumb . wande he en geit des rechten
weges
- 3,14 niet . Zuo deme leuene wane he geit . zuo deme irreme viende . de zuo
deme gerechten
- 3,15 menschen sprichet also die p-phete leret . “Crumbe dich” sprichet der
- 3,16 verredere der duuel zuo deme gerechten . “dat wir uuer dich waren .” Wi
vile
- 3,17 is dere die sich crumben zuo den sunden na des uiendes rade . inde he ne
uert
- 3,18 niet uouer si . wan up si . inde in si . inde ridet die armen soware he wilt .
- 3,19 Wande des han wir urcunde van der schrifte . also lange also der mensche
ane
- 3,20 houetsunde- is . so in mach in der wient niet beduengen . wane he redet
ime
- 3,21 dat he sich crumbe zuo den sunden . inde zuohant also dat geschit . so hat
. Der
- 3,22 uient gewalt uuer on . inde crumbet en zuo allen sunden inde scha-den .
Sunder

- 3,23 die . die wise . schinende . inde senfte wrcele hauent . dere stam en crumbet
 sich
 3,24 niet . wande uzer deme guodeme gedanke . spruzet de rechte wille . de wilt
 3,25 die sunden begeuen . inde den duogeden volgen . also lange biz e me die
 wise
 3,26 bluomen gewonne . inde die gelen . inde die in midden den steit . alhie
 Sprich van
 3,27 deme guoden willen
 3,28 Der stil he is ovch starc . also sal de gude wille sin . dat du ingeine
 3,29 vngewidere muge brechen dat on engeine neze mugen uulen . engeine hize
 3,30 doren . dat on engein gewrme ane bize . Wi manich wenes tu is gewest .
 die
 3,31 guoden willen hadden inde rechten . inde ei doch begauen . wande dat
 ungewidere
 3,32 si brach Dat is widermuode van wereltliche- schanden . ove
 3,33 van dode irer lifhouede . oue van ires selues suchede- . Dit geschit den
 dumben
 3,34 luden . di denkent alse si sich gode nekent . dat si engein vuel beruren i-
 sule .
 3,35 Si in gedenkent des gerechten ma-nes niet . Jobpes . den got selue louede
 dat

 4,1 ime engein mensche in sinen ciden up ertriche were gelich . inde gaf ime
 doch
 4,2 deme uiende ze becorene an sineme guode . an sinen kinden . inde an
 sineme
 4,3 uleische Niman en was alse gut alse iob . niman in wart so sere becort
 4,4 alse iob . He in brach doch niet . wande sin stil dat is sin wille was strarc .
 4,5 Lerne dit dat widermuode is en zeichen der minnen .
 4,6 an den die sint gudes wilen .
 4,7 Lerne dat man den penninc sere slehe
 4,8 die munze wale entfē .
 4,9 Dv salt den hamer minnen .
 4,10 wolt du des cunniges antlize gewinnen .
 4,11 Soch dat du wolt ungeneme were .
 4,12 it in wrde geiaget sere .
 4,13 De regen de die den stil uulet beceichen die becorungen di deme
 4,14 gude sint gelich . Van deme regene is geschriuen . “It regende starke vp die
 4,15 sundere .” Dis engestliche regen . is ezwanne der gude gelich . Wande
 ercelich
 4,16 mensche gewinnet guden willen sich der . werelde aue zu dune . inde gude
 ze
 4,17 uolgene . So cumit ein regen der becorungen in sin herce . inde sprichet .
 “Dv as
 4,18 eine arme muder . oue bruder . oue suster . ove kindere . oue andere vrunt
 begiues
 4,19 du die . si muozen verderuen . so in has du der minnen noch der
 barmerzicheide

4,20 niet . so in macht du niet genesen . blif mit on . inde holp on . dat si
 4,21 niet en duruen sich mit sunde- generen . so deis du uile baz wan du dich
 aleinen
 4,22 behildes .” O wi wie manich volget deseme rade . inde alse he anderen
 luden
 4,23 helpe- wilt . he uerluset sich seluen . Dise in hauent die starcheit an deme
 4,24 stile niet . wande die becorunge hat si schire uul gemachet . En solde niman
 4,25 sine vrunt begeuen durch got . so in hedde . Jesus Christus so grozen loin
 niet
 4,26 gelouet den die vader . ove muder . ove bruder . oue suster durch on lizen .
 4,27 De stam der lilien he is ouch sicher wr den wrinen . dat is uur den
 4,28 uienden . sal de gude wille sicher wesen . Wande alse ein gut man sprach .
 de
 4,29 gude wille de got erkennit . he in mach niet verwandelt werden . Sowe uur
 4,30 disen wrmen wilt sicher sin . de en si nimer sicher inde en getrue ime
 seueme
 4,31 niet . wane he werpe sich an got . inde he sal on et halden dat he niet in
 4,32 valle . inde of he outh uellet . dat he niet en zebreche . wande vnse here
 4,33 leget sine hant under on . He uellet senfte de up godes hant uellet . dat
 dunt
 4,34 alle die . di sich up sine genade gerliche uerlazent inde werliche sprechen
 4,35 bit deme p-pheten . “here got du bis mine sterkede . inde mi- lof .”

5,1 De stil der lilien he is ouch sahde wr die sunnen . Die sunne uernom
 5,2 al wereltlich gelucke . We is de den wereltliche geluck . nit in uerbrant in
 5,3 hat . Wir uonden ezliche lude die ungelucke widersteint uile seltzene is
 5,4 de me gelucke wederste . War umbe Want die becorunge si is in
 5,5 deme widermude offenbar . in deme gelucke verborgen . wi manich
 mensche is .
 5,6 den die uederliche geiselen hat geduungen sich seluen ce bekennene . inde
 an
 5,7 den willen sich ce bekerene ze gode beuile . So quan de sunne des geluckes
 .
 5,8 inde uerbrande sin stil des guden willen . dat die ungewindere . inde die
 becorungen
 5,9 niet en mohten gecrenken . vmbe die so sint die becorungen des
 5,10 geluckes uile engestlichere . wan des widermudes . want in den geisselen
 5,11 bekennit der mensche sine missedat . inde rufet got ane . gut gelucke
 wenent
 5,12 alle lude dat si t van irer wertdicheide hauen . Diser sunnen hitze si is
 engestlich
 5,13 den . die it cranken wilen hauent . inde niet otmodiche in leuent .
 5,14 Der lilien stam he is ouch lanc . an der langede uernom eine duget die
 5,15 heizet lancmudicheit . ave uolherdunge . Ane dise dugit so ne duoch engein
 gut
 5,16 wille . want si giuet aleine die crone . Des hauen wir urcunde an deme
 ewangelio .
 5,17 dat unse here sprichet . “Wowe uolherdet an dat ende die bliuent

- 5,18 bealden .” Uuat hulpe gut gedanc . inde gut wille . ave du si begeus . Uvilt
 du
 5,19 gecronet sin . du must striden biz an dat ende . Die dage louit man allererst
 .
 5,20 alse der dach uergangen is . Der dach in deme du salt arbeiden is din leuen
 .
 5,21 dat het ende . dat sal man dir lonen na der arbeit dine handait . Dise rede
 5,22 dunket manichen hart . de ecker die einigewordige dinc sint . inde de siner
 5,23 selen ogen nit en can up heue- . an dat gelouuede des suzen Jesu de aldus
 5,24 sprach zuo sinen iungeren . in- zuo allen den sinen . “Jr sit” sprach he “die
 mit
 5,25 mir bestanden sint . jn minen becorungen . Jnde dar umbe besezen ich uch
 in
 5,26 min riche alse mir min vater dat besat hat . dat ir ezet . inde dronket up
 5,27 mineme dissche in mineme riche .” Uves herce is so calt . dat van diseme
 5,28 gelouede nit entfenget in werde . Vves pine is so suar . dat si niet irlihtet
 5,29 en werde . Uves gemude is so cranc . dat it niet gesterket in werdit . Sowe
 in
 5,30 becorungen is . he neme hi trost . Sich dan Jesus de suze heizet dine
 5,31 becorungen sin . Blif mit ime ane zuuel he bliuet mit dir . werp dich in on
 5,32 he in is- so verislich nit . dat he dich laze uallen . He sal dich hi behalden .
 inde
 5,33 sal dir dar na lonen . Dv salt alle zit in dineme herzen dragen . dat de suze
 5,34 Jesus wart sineme vadere durch uns gehorsam biz an den doit . Wat dodes
 .
 6,1 an den schentlichen doit . an den uile bitteren doit des cruces . wilt du hi
 bit
 6,2 ime ezen up dieseme dissche des cruces . inde dronken hi in deme nap
 6,3 der martilien . inde da ane uolleherden . so salt du sicher sin . dat du salt
 ezzen
 6,4 inde dronken bit ime . die eweliche vrowede in sineme riche . Uvilt du eine
 6,5 curce wile bit ime hi arm sin . du salt da imer bit ime cuoninc sin . Jch sal
 dir
 6,6 curtliche sagen . volherde an gudeme willen . du salt uan deme suzeme
 ih-u
 6,7 han . sowes du gesinnes . Svze got . gude got . erluote vnser selin ogen .
 erheue
 6,8 unsen armen geist ei- luzcel den dit lichame des dodes so sere besueret dat
 6,9 wir dat groze mere den richen schaz diner gude . ezwie ezlizher mazen
 6,10 gesin muzen . inde mugen . dat uns diese cleine widermude licht werden .
 in dat
 6,11 wir willen inde mugen uolherden . bize wir ein geist mit dir werder . Ei wi
 6,12 gut is it dir dinen . want du has den loin al gereit in dine milde ha-t . Hoch
 6,13 bis du de suze cuoninc den sc-e sente Johannes din sunderdrut sach die
 siuen
 6,14 sterren in siner hant hauen .
 6,15 Uvat sint die siuen sterren . Ich wenen dat it si die siuenueldige loin .

- 6,16 den du dinen has bereit . Diser loin gehorent uire zuo deme lichamen .
6,17 want it van uiren dongen is gemachet . van dere erden . uan deme wazere .
6,18 van der luft . inde van deme uurre . Driueldich loin gehoret zuo der selen .
6,19 durch der driueldige macht die an der selen is . dat is gewalt . wisseit . inde
6,20 gude . Sowe sinen lichamen inde sine sele hi wale berichtet . inde da ane
6,21 wolleherdet deme sint dise siuen sterren bereit . alhie Sprich van den
6,22 siven sterren
6,23 Der irste sterre is sterkede . de- giuet man dir ze lone durch die erde
6,24 die an dineme lichamen is . wande die erde si is dat sterkeste under de-
6,25 uire dongen . die an deme lichamen sint . Sogedane sterkede sal dir gegeben
6,26 werden . dat du nimer cranc . nimer alt . noch sich in werdes . Der ander
sterre
6,27 is snelheit . die gehoret zuo deme wazere . wan it snel is van naturen . Die
6,28 snelheit die du salt hauen . si sal sin gelich der snelheit dines gedankes .
also
6,29 dat du ane stunde macht wesen . sowa du wolt . De dritte sterre mag heizen
6,30 durchuerdicheit . dat din lichame so cleinlich sal sin . dat ingeinre hande
6,31 lichame dir widerstain in mach . du in muges dar durchvaren . Dise
6,32 duoget inde dis loin gelichet der luft die alle lichame durchwert . wi uast si
6,33 sin . De uiede sterre beceichenet die clarheit . die an dineme liue sal wesen
.
6,34 alse de suoze Jesus selue leret da he sprichet . “Die gerechte lude sule-
schinen
6,35 alse die sunne . in ires vater riche . bit deme si da sulen richen .” Dis loin
is

7,1 deme uure gelich . want dat uur is uur anderen dongen schone inde herlich
.
7,2 Nu has du lon . den uiruellichen . des lichamen . dat he sal sin starc . snel
.
7,3 cleinlich . inde schone .
7,4 Der selen lon is driueldich . alse si selue is . wande si na der driueldiger
7,5 gotheide gebildet is . dis loin is beceichent bit drin sterren . Der
7,6 uonfte sterre is . die gewalt die der selen sal werden gegeben . dat si sal
7,7 muogin allet dat si wilt . Der seste sterre is die wisheit . want du salt
cunnen
7,8 sowar zuo din wille steit . De siuende sterre beceichent die gude . want du
in
7,9 salt dat niet willen wan dat gut is . Da bis du eweliche sicher . da in uortes
7,10 du ingein ungelucke . vmbe susdanen loin sal man stercliche stride- .
7,11 inde uolleherden an deme stride . Sunder dat is eine groze uorte . dat niman
so
7,12 heilich in is . de diser duogede sicher si . Wi manichen heiliche- man hauen
wir
7,13 uernomen . die na grozen dugeden wart uerloren . Jch wenen dat die
stolzheit
7,14 si der nider warp . du si sich up ire macht alze sere uerlizen . Hon aue sulen
7,15 wir nemen die omudicheit . dat wir uns uuer nimanne durren erheuen . de

- 7,16 argere ave guoder schinet dan wir . want wir in wizen welich unser
 7,17 ende bezere sulen sin . Ei gewelich got . wise meister . wi verborgen sint
 dine
 7,18 urteil . Jvdas din iungere de in dineme namen dicke zeichen hadde gedain
 7,19 wirt uerloren . der schechere de al sin leuen din widersache was he wirt
 behalden .
 7,20 War umbe .
 7,21 vant der iungere an deme in was uerkeret .
 7,22 inde de schechere wart bekeret
 7,23 Bekere uns suoze vader so werden wir zuo dir bekeret .
 7,24 want wir sin leider van dir alce sere gekeret .
 7,25 Bekere uns inde gif dat wir uolleherden .
 7,26 want sunder dich in mugen wir niet behalden werden .
 7,27 hie sprich van den gruenen bladeren der lilien Nv wir hauen
 7,28 besin die uurcele . inde den stil der lilien . nu willen wir uns an die bladere
 7,29 keren . Die bladere umbe den stammen steint . beceicht die wort die der
 7,30 gerechte man sprichet de guoden gedanc inde guoden willen hauet . Vvi
 wale
 7,31 der lilien bladere des gerechten mannes wort bezeiche-t . wande si sint
 eineme
 7,32 suerde gelich . inde ce gelicher wis alse man mit deme suerde die uiende
 dodet .
 7,33 inde die urunt beheldet . also deit de gude man . de ersleit den duuel . inde
 7,34 heilet die dugede bit sinen worden . Dise bladere sin alle zit grune .
 7,35 want des gerechten mannes wort sulen dat ewige leuen an in dragen . An
 den
 7,36 grunen bladeren bekennet man die gude wrcele . inde an den worden . dat
 7,37 herce want alsus leret uns de wise meister . de suze Jesus . “Der mu-t he

 8,1 sprichet van der uulleden des hercen . De gude mensche he sprichet gude
 wort .
 8,2 in de bose mensche he sprichet bosheit . van deme . scatze ires hercen .”
 Uane
 8,3 dat salt du wizen dat einre . hande luden si-t die heizent . ypocrite dat
 8,4 is gelichsemere die under den grunen worden . die suarzen hercen dragen
 . Die
 8,5 denket bosheit . inde sprechent wale . dat si ire bosheit bedecken . inde
 dat si
 8,6 di einueldige hercen bedrigen mugen . Dar umbe manet uns . de suze Jesus
 .
 8,7 “Sit” sprichet he “einueldich alse die duuen . inde wis alse die slangen .”
 Sit
 8,8 einueldich . dat ir nimanne bedriget in willet . sit wis . dat uch niman
 bedrigen
 8,9 in muge . Van disen sprichit he auer . “Ungerechte lude lerent die selue
 8,10 lerunge . die moyses lerede . uolget iren worden . niet iren werken . Vvant
 si sint

- 8,11 also die gekelkede graf . inbuzen wiz inbinnen uol unreinicheide .” Jnde
sente
- 8,12 paulus spricht . “Jr in sult niet allen geisten gelouen . sunder pruuert die
geiste
- 8,13 aue si van gode sin .” Wi man dise lude underkennen sule . leret uns de
suze
- 8,14 Jesus . “Jr sult si bekennen an iren uruhten .” dat is an iren werken . Want
8,15 die werc sint offenbare . die gedenke sint uerborgen . Disen zuuel muzen
wir
- 8,16 hauen . also lange also de sumer dis leuenes weret . also lange bizze de
winter
- 8,17 des iungesten dages cumit . dant wirt man sinde . wiliche bladere grune
bliuen .
- 8,18 O wi wie durre werden . die andere bladere dan . die zuo den geistlichen
lilien
- 8,19 niet in gehoren . Si sulen dorren wr deme uorste der angestes . si sulen
dorren in deme uur deme uorsten . der angestes . si sulen dorren
- 8,20 in deme uurre der ewiger hellewizzen . also die gerechten grunen inde bluen
- 8,21 sulen uur ireme herrin . alhie Sprich van den wordeN
- 8,22 Wat mugen wir nu sprechen van den armen . der bladere izuo
- 8,23 durre sint . Durre wort haue-t alle lugere . alle ahtersprechere . alle
smeichere
- 8,24 alle spottere . alle die schentliche . ave unnuze aue muziche wort sprechent
.
- 8,25 Muzich sint alle die wort . die man ane redeliche not . ave a nuzliche andaht
8,26 spricht . Van allen sogedanen worden . muoz man rede geuen . in deme
dage des
- 8,27 urdeiles . we is so gerecht . de sich hie niet in reuere . Vvane willen wir uns
8,28 hie eruere . inde bezzeren . so sulen wir da sicher wesen . Wir lesen van
8,29 eineme heiligeme manne . dat he binnen drizich iaren ni wort in gespreche
.
- 8,30 Ein ander drug einnen stein dru iar in sinen munde . dat he der stillen
gedehete .
- 8,31 sowanne he sprechen wolde . Du in salt niet wenen . dat si dumben
8,32 weren . die sich so sere uur den worden huoten . Wane is it sus groz angst
van
- 9,1 de- muzigen worden . wat gewirt der lugenere . inde der ahtersprechere .
inde
- 9,2 der andere die da uure genant sint . war zuo sint die duren bladere nuzze .
9,3 want zuo deme uure . It is ein zeichen dat si nit . wale gelouich in sin .
9,4 die die alde durre bladere hauent . De suze Jesus he wisede sine iungere .
9,5 bit welichen zeichnen man die gelouige lude solde bekennen .
9,6 Der zeichene is ein . dat ma- bit nuen zungen sule sprechen wilt
9,7 dine zunge bekennen . so bekenne allererst die alde . Die alde zunge was
des
- 9,8 leiden uiendes . die an aneginne der werelde bit deme wiue allererst sprach
.

- 9,9 Wat sprach he . hore . “War umbe” sprach he “hat uch got uerboden . dat
ir
9,10 niet ezzet van deme bome . der cunste des uueles . inde des gudes .” Ei
9,11 bose geist . dine wort sint also du selue bis . Mirket dat sin erste wort was
9,12 ahctersprache . Vva-t si ludent also . also got durch nith i- dat ouiz uerboden
9,13 hedde . O wi wie manige luden sint . die diser alder zungen volgen . Also
wie
9,14 “Seges du it” sprichet ein zuo deme anderme . “wie dich de man hude ane
sach .
9,15 inde wie untwertliche he dich grude .” Dit is eine alde zunge dit it ein durre
9,16 blat . In gelouen disen worden niet . der slange he sprichet si . He sprichet
9,17 noch bit des armen mensche- zungen . also du bit der zungen des slangen .
9,18 Ave horet wrebaz . Duo der uient horde in deme paradise . dat ime dat
arme
9,19 wiuechin zuiueliche antwrde . du lahte he sich an die offenbare lugene . Du
9,20 eva antwrde . “ezzen wir den appel . so sturuen wir lihte .” in- der slange
9,21 vernan dat si zuielde . “nimer niet” sprach he . “ir en sult niet steruen .
sunder
9,22 so schire also ir die vruht gezet . so sulet ir sin also gode . inde sult wizzen
9,23 gut inde uuel . Inde want got dat wiste . dar umbe hat he uch die uruht
9,24 uerboden .” Hores die offenbare lugene des slangen . “IR en sult niet
steruen”
9,25 sprach he . Vvie gelogen dat si . da beuonden wir noch alle dage . want die
9,26 erste lude si sturuen zehant an der selen . da na an deme lichamen . inde
9,27 hauent dat iemerliche erue up uns geeruet . dat wir durch noth steruen
muzen .
9,28 O wi des gekoses . o wi der alder zungen . o wi der durrer bladere . der
ahtersprachen
9,29 des zuiuelichen wordes . inde der lugenen . Ich manen alle die dit
9,30 lesen of vernemen sulen . dat ire oren beslozen sin . zuo der ahtersprachen
.
9,31 dat dat uergifnisse in ir herce niet in cuome . inde dat dat zuiuel wort uzer
9,32 iren munde niet in ge . Jnde dat si den lugenen niet in uolgen . noch selue
9,33 ingeine in spreken . want der munt de da luget . he ersleit die sele . in de
gude
9,34 got sal die alle verlisen die lugene sprechent . Dit is ein engestlich wort .
we
9,35 sal den uinden wenes du . de- got uerluset . Ich wenen dat is sin widersache
9,36 der duuel . O wi des iemerlichen uerlisens . O wi des unselichen uindes .
9,37 Bit der watheide dat is Jesus Christus in mach niman bliuen wan de
9,38 warehtich is . Die lugene hat ein unseliche dochter . die heizet smeichen .
dit is

10,1 den richen inde den geweldigē luden uile . inde alze heimelich . Si louet
ire
10,2 bosheit . oue si intschuldiget si . inde saluet dat herce der sundere . bit der
10,3 dotlicher saluen . irer durrer bladere . dat is irer lugelicher worde . Vve inde
10,4 euer we den smecheren . die de bosheit gut heizen inde dat ungereht

- 10,5 also dat rehte louent . den niet in genuget ires selues vnselicheit . si in
 machen
- 10,6 och ander lude unselich .